

LA AUTOCERTIFICAZION

Ce che e je la autocertificazion

La autocertificazion (o declarazion sostitutive di certificazion) e je un document, redizût e firmât dal interessât, che si presente in sostituzion dai certificâts tai câs previodûts dal D.P.R. n.445 dal 28.12.2000.

Aes aministrazions publichis e ai gjestôrs di servizis publics ur è improibît di domandâ ai citadins la produzion di certificâts in ducj i câs li che e je previodude la autocertificazion.

Ce che si pues autocertificâ

Si puedin declarâ chescj stâts, condizions personâls e fats:

- a) date e lûc di nassite;
- b) residence;
- c) citadinance;
- d) titolaritât dai dirits civîi e politics;
- e) stât di no maridât/no maridade, di maridât/maridade, di vedul/vedue o stât libar;
- f) stât di famee;
- g) esistence in vite;
- h) nassite dal fi, muart dal coniugât, dal assendent o dal dissendent;
- i) iscrizion in elencs, in listis di aministrazions publichis;
- j) apartignince a ordins professionâi;
- k) titul di studi, esams sostignûts;
- l) cualifiche professionâl, titul di specializazion, di abilitazion, di formazion, di inzornament e di cualificazion tecniche;
- m) situazion dal redit o economiche ancje pe concession dai beneficis di cualsisedi gjenar proviodûts di leçs speciâls;
- n) assolviment di oblics contributîfs specifics cu la indicazion de sume che e je stade paiade;
- o) possès e numar dal codiç fiscâl, de partide IVA e di cualsisedi dât presint tal archivi de anagrafe tributarie;
- p) stât di disocupazion;
- q) cualitât di pensionât e categorie di pension;
- r) cualitât di student;
- s) cualitât di legâl rapresentant di persone fisiche o juridiche, di tutôr, di curadôr e similârs;
- t) iscrizion li di associazions o di formazions sociâls di cualsisedi gjenar;
- u) dutis lis situazions in mert al adempiment dai oblics militârs, comprendudis chês atestadis tal sfuei matricolâr dal stât di servizi;
- v) di no vê ripuartât condanis penâls e di no jessi destinatari di proviodiments in mert ae aplicazion di misuris di prevenzion, di decisions civîls e di proviodiments aministratîfs iscrivûts tal caselari judiziâl daûr de normative in vore;
- w) di no jessi a cognossince di jessi sometût a procediments penâi;
- x) condizion di stât a caric;

y) ducj i dâts a che l'interessât al cognòs in maniere direte e che a son contignûts tai regjistris dal stât civîl;

z) di no cjatâsi in stât di licuidazion o di faliment e di no vê presentade domande di concuardât.

Ce che no si pues autocertificâ

Lis autocertificacions no puedin sostituî

- certificâts sanitaris, medics, veterinaris
- certificâts di origjin, di conformitât CE
- certificâts di marcje brevets.

Cui che al pues presentâ la autocertificazion

- I citadins talians
- I citadins dai paîs membris de Union Europeane
- I citadins extracomunitaris cun permanence regolâr in Italie, dome pai dâts certificabilis
- tes amministrazioni publichis talianis.

Cui che al à di acetâle

- Dutis lis Amministrazioni Publichis comprendudis Scuolis, Universitâts, Motorizazion Civîl, Comuns;
- I gjestôrs di servizis publics tai rapuarts cu la utence, o ben lis aziendis che a àn in gjestion servizis publics tant che traspuarts, erogazion di energjie elettriche, servizis postâl, rêts telefonichis, e v.i. (par esempi ENEL, Ferrovie dello Stato, Poste Italiane).

Cui che al pues acetâle

Dome se lôr lu permetin, la declarazion sostitutive di certificazion e pues jessi produsude ancje a privats come par esempi datôrs di lavôr, bancjis, societâts di assicuracions, e v.i.

Ce che e je di precîs

Si trate de compilazion di un model - che si cjate li dal ent interessât o pûr in cualsei Comun e che si pues ancje discjamâ di chest sît sot de vôs "modulistiche" – li che il citadin, sot la sô responsabilitât, al pues declarâ une o plui informacions fra chês elencadis prime. Il model al à di sei datât, firmât e consegnât cence che al coventi autenticâ la firme e paiâ la impueste di bol.

Cuâi che a son i vantaçs

La autocertificazion e à la stesse validitât dal certificât che al sostituìs e e fâs sparagnâ timp e bêçs.

O sparagnìn timp parcè che e pues jessi compilade dal moment li dal Ent destinatari o pûr a cjase e mandade par pueste, par fax o consegnade midiant di une latre persone.

O sparagnìn bêçs parcè che e sostituìs cetancj certificâts (par esempi chei anagrafics) che la leç e previôt che a sedin sogjets ae impueste di bol.

Un esempi sempliç: il certificât di residence dât fûr dal Comun al coste al citadin une marcje di bol di € 14,62 plui € 0,52 di dirits di ægretarie. Cu la autocertificazion nol coste nuie!